

影印  
文淵閣

四庫全書

影印

文淵閣四庫全書

第一二〇一冊

北京出版集團公司  
北京出版社

# 本冊目次

秋澗集(二)

元王惲撰……………一

牧庵文集

元姚燧撰

……………四〇一

附年譜

元劉致撰

欽定四庫全書

集部  
秋澗集卷六十六

詳校官侍讀學士臣沈咸熙

侍讀臣孫球覆勘

總校官降調編修臣倉聖脉

校對官編修臣于鼎

謄錄監生臣賀詰

欽定四庫全書

秋澗集卷六十六

元王惲撰

歲

憲司歲

肅肅憲司虞夏九牧其在漢唐刺史都督控臨百城靡不約束既重其權匪輕所責治弘務簡望隆威赫有臺

閣清嚴無州郡急迫繡衣四出輜軒金節命服有彰非

欽定四庫全書

秋澗集卷六十六

爾徒設奉宣詔條巡省按決官之邪正政之得失酌汝之言以明黜陟俗之嫩惡民之休感恃汝注措以安以息國有重典越惟刑辟圜土幽囚肺石冤抑汝審察哀矜致恤毫髮或差追悔何及剛不可憚憚則氣怫弱不可欺欺則衆忽事無避難避之愈集法母情破破之有室何以處之必正必式一有私萌力為之克如松斯貞如鷲斯擊其嚴秋霜其平砥石是乃所云邦之司直我玉無瑕彼疵可錄志行氣伸吏畏民服一通清寧乃

稱所屬其或暗夫大體苛細是燭較利害之孰多至首尾之畏蹈甘於慵身計日而祿官謗奚逭顏厚有忸爰作斯箴敢告司僕

### 言箴

語戒過繁論先期用我之樞機寧唯妄動動躁輕易違理取勝過慮思邪皆言之病一不知檢有害於性審察安詳時然後應非法不言一出於正其或不然自陷於牢念之念之

### 欽定四庫全書

秋訓集  
卷六十六

### 忍箴

忍之為字以刃加心少或弗隱其傷必深家府維訓挺挺而全謂予平生半在官聯萬變前陳履薄臨淵少觸與競其心即然自救弗暇理何有焉量汝之性以忍為先惟忍則濟欽哉聖言

### 銘

### 楷杖銘

并引

孔林之木壤異者為多魯人世不知其名者蓋夫子

沒弟子各持其方之木來樹焉在枌枌斃檀中名殊顯者獨文楷耳前朝斲之板持以備新進之儀豈思其人重其文敬其手植之意也歟紫陽公攜二杖過衛一以贈予因識其楷之所以為楷也如是吁昔而簡今而杖用雖不同至於重其文敬其手植之意一也銘曰

### 欽定四庫全書

秋訓集  
卷六十六

體堅而微色正則營庚庚其文挺挺其性本根傳萬世之芳枝葉蔭百王之聖斲而杖之以扶吾道之衰兮庶由乎義路之正且予年之方盛是不可施於其鄉兮復將斃蛇妖於異日于以叩原壤之脛惟桑與梓必恭且敬矧吾家之草木敢不同甘棠而加愛兮故庸之以舞雩之詠

### 檟榔杖銘

體堅而柔節促而澤赤藤桃竹非所狎兮青蛇奮蟄腹紋鱗鱗入手滑兮質挺炎德出入有聲豈特鏗爪甲兮堂堂許公國喉舌兮杖而登朝表孤節兮是將代太尉

之笏擊奸惡於未孽也

芝枕銘 并引

予觀神農氏之經芝之種有五焉紅者如珊瑚青者如翠羽黃者如紫金白者如截肪黑者如澤漆皆光明洞徹如冰之堅五岳之山產焉後之以芝名者率若是豈柳柳州所謂天澤餘潤雖枯拊敗腐猶能幻出芝菌以為瑞物是枕之芝或間產名山或蒸出枯拊予不得而知也但不斤不斷底平面傾犀文外繞疊成枕形誠可以薦牀第而承幽人之憇息也銘曰體似重而輕性似柔而剛豈顛木之餘拊薦幽人之野牀質似芝而秀文似犀而光果齋房之瑞氣化奇形而不忘但髣髴兮一枕之妙至於為芝為菌吾不知其物化之常秀比連葉清凝寢香枕或強名用適則良俾歌之藉之勿邪其所思兮是可以夢周公而接羲皇也

砥柱銘

水之為力無物不從津門之險壯夫砥之為雄洪濤西

來萬夫前攻而戰而薄我當其衝狂瀾勢倒安流而東屹嵩華之隆崇也吾儕小人弱植淺中衰俗外誘羣邪內訌苟內省而不疚有破心而直吾躬也

金銀沙二泉銘

山之清潤澤氣以通兮坤之靈秀醴泉以發兮太行蟠巨元陽所輒兮天門左界二泉並罕出兮巨鼇背鑿寶藏泄兮靈淵滌滄海眼徹兮泓澄一碧金瓊屑兮金流石爍爽永雪兮雲煙藉潤為改色兮酌而瀹茗甘冷冽

欽定四庫全書

秋澗集  
卷六十六

五

端石硯銘

硯之同功甲與鋌試之敵場惟利堅其或不爾安用焉嗚呼此硯穹而圓神龜足踰舌有泉既利我穎墨且便青州絳州何所賢題品入格因公權處士或託斯銘傳

默齋銘

語寂滅者涉於絕類談自然者入於虛無嗚呼默乎其天地閑賢人隱括囊无咎无譽者與至於明良相遇治具畢張一言而可以興除者如宣父夾谷之盟孔明隆中之論茲吾儒之事也豈得退藏於默乎豈得退藏於默乎

閑和齋銘

噫嘻是心既安而放內閑外膠靡不馳嚮忘返從流于

欽定四庫全書

秋淵集  
卷六十六

六

馬板蕩維禮與義以戒以懼存之以誠為閑之具有人于斯言動聽視庸信庸謹造次於是成德雖中慮萌邪侈一念或非為奸所餌易演文言閑之義宣一聖精心權輿於乾譬海乘載一碇能安如馬泛駕受羈則旋險去而夷浪平斯淵彼碇與勒曷能舍旃何似李侯周防未然操心知要惕焉拳拳言信行謹其殆庶幾一誠存中太山可移素志不昧聖賢同歸

洮石硯銘

吁爾洮水中吐翠欲流礪於砥考之譜端歛齒波及余古月子斲而泓堅澤玳孰為尸王御史

毒瑁龜洗銘

盤月槃漢洗器制爾形從相類漢維魚我龜貴取彼壽綰元氣宜子孫傳後裔銘者誰王子系

訥齋銘

堪輿兩間事變靡極成始要終非言莫立立聖垂教訥言為先匪曰終默時然後言喋喋利口返為事愆覆邦亂家身溺于淵猗嗟邵君內思靖頴一訥銘齋浩浩其天人亡道存實大其傳尚來者而恪守猶丹書與湯盤也

欽定四庫全書

秋淵集  
卷六十六

七

文貞公笏銘呈寶學士

公家物

唐有天下垂三百年於桀者貞觀之治焉其效益仁義之一言世之望公三辰在天是則公之德何俟笏而賢耶銘存物亡實大其傳則是樵之文伊笏之曾玄也猗歟寶公國老之元神物有歸寶之几筵安知無望壠而

求後因甘棠而思仰伯於燕者耶

仙臺金跡硯銘為宋少卿弘道作

盤盤嘯臺一碧千尺湛月露以洗空隱松風之蕭瑟仙  
游何之留此真跡斷而硯之是將晦靈蹤於翕歛藉玄  
雲而掩抑神物有歸蘭臺之客會登玉清蕩空碧斗挹  
滄溟醉憑鰲極拂海苔之霞牋揮仙火之巨筆也

楮都護銘

漢開西域國三十六中置都護控制約束強凌弱折通

欽定四庫全書

秋潤集  
卷六十六

有攸屬我嗜羣經視為席珍繡閣不時未免綵芬亦作  
護府仰茲楮君統之有要無相奪倫侵損日遠緝熙日  
新挿架安書曰史曰墳勒銘于上策燕然勛

太湖峯銘

丁生贈余湖峯一株頂足背面蒼鱗隱隱渾然天成  
無微實可隙植立几案間殆與頤頤君子相對殊可  
翫也昔元春陵作榱溪杯搏等銘命名既異垂戒又  
深予嘗讀而愛之因銘茲石仍擬其義

片石何狀天然自若鱗鱗蒼窩背露蛟鰐一氣渾淪略  
無巖壑太湖凝精示我以朴我思古人真風眇邈變詐  
百出孰知誠確心深洞府混沌六鑿剛健篤實君子之  
質惟其似之是用比德嗚呼安得誠天下之意如茲石  
之挺特也

書厨銘

至元十七年八月三日夜與子孺燈下觀丹書銘因  
擬而作此

欽定四庫全書

秋潤集  
卷六十六

置之於室胡若載之腹也名汝曰厨以其無不蓄也腹  
至於餒返為汝所怛也子其戒之惟勗

鸚鵡啄金桃研銘

大名劉總尹求予作思  
濟堂銘奉此研見謝

翠鸚啄桃翩欲飛去棲影片泚以慧之故芸閣風簾疑  
若與晤助彩毫端辯夫詞語槌黃鶴而倒芳洲唐正平  
之賦邪復明辟而以夢諫草梁公之疏也

菊井銘

余到官兩月移居司西官舍治舊井而新之方衆菊

爛然擇其佳者植諸欄傍因銘之曰菊井其辭曰  
養而不窮者井之德也服而能壽者菊之靈也我潔斯  
井罔羸其餅彼窈然而深泓然而澄蓋南山之餘溢迺  
濟清而未名思欲沉浸醲郁皆菊之馨庶幾西河南陽  
之意仁吾民而制頽齡也

冬藏圖右銘

太極中分有靜有動氣與理錯未免交闕孰盡聖哲不  
思而中思而或邪奚翅荒縱理明伊何精一為重閑邪

欽定四庫全書

秋澗集  
卷六十六

存誠發而可衷內莊全體外致吾用旦也奚思尹則孰  
覺一洗妄心盡易前錯學孔之學樂顏之樂華去實存  
玉礪石斷道最中害或輟或作不學而衰即成枯落念  
至于茲立敢不卓新惜分陰守之以恪敬入為門補我  
不足足豈三餘日新一日動靜云為是為之則敢告靈  
臺服之無數

左箴其目曰定力以固窮為冬藏圖作

天運循環有泰有否人生其間迺一氣類之財曰因弗

通為塞苟遇不安習坎而阨自昔君子器藏俟時出門  
有礙吾將安之仲由愠見阮籍窮哭惟昧困理于競于  
疏安之有道說不徒泛堅我定力不容少濫氣養以剛  
志明由潛少焉墮昏亟為澄湛衣敝服緼一溫而止飯  
糗茹蔬一飽而已茫茫厄臺悠悠爰里文明為夷孔玉  
櫝毀聖賢猶然况弗至此我道未亨克念終始

敬義齋銘

維天生民卑之者全氣有澄渾因之以偏惟聖立極俾

欽定四庫全書

秋澗集  
卷六十六

復其天因而弗學民斯為下甘彼額蒙時有不暇間有  
知悔或窺厥竅遺緒茫茫又昧其要大哉文言聖學之  
宗致力兼補蒙而聖功一敬內主義須外克凡百君子  
有云有為行而宜之心罕物隨祗直而莊匪方於動事  
物之來未免變閑惟其夾持務成德尊既銘吾心復書  
我紳始終是則日新又新

垂龍圖銘

所翁姓陳氏福州人嗜飲恬於仕宦喜圖龍見知於

宋理宗嘗以商舶越海與真童遇自是盡其情狀其  
作也必乘醉潑墨為之天機所到非學而能殆邈棚  
之巽墨法云

醉墨翻雲族聚所翁圖童與真遇黑風吹海作太陰大  
火出山雷奮豫是將執雨機而飛天儘滂沱而洗吳楚

宿雲軒銘

并序

吾友中丞王君買宅蘇門得奇石一峯厥狀如雲霧  
然輝煥於庭戶間甚可愛也因名其軒曰宿雲徵文

欽定四庫全書

秋詞集  
卷六十六

於余乃以是文表之其辭曰

瞻此峯雲態度容與觸石而生與石為伍宛彼南山宿  
我庭宇主人名軒其義安取是將停靄靄之容為思友  
之故邪伴東山之卧抱濟時之雨也雲兮雲兮出兩者  
之間固無心兮其從童也須以時兮吾豈欲度之以自  
潔徒為怡悅而已邪

水晶筆格銘

玉瑩冰清太陽之精孰琢肖山之形鎮我几案虛白夜

生息我矛稍摩墨之聲空明洞徹爛冰峯之孤撐物有  
形似吁足可驚若倚之而固寵旭日已升恐潰釋而摧  
崩也

頤軒銘

為洪同發作

堪輿兩間物所充兮而長而養一氣融兮人惟法天浩  
焉同兮頤以象觀四陰內訐惟養之以中正不我舍而  
彼從是以得終吉而在躬洪公孚秀海山沉雄其材足  
以經制其量足以含弘贊翊樞務既貞且忠故謀謨應

欽定四庫全書

秋詞集  
卷六十六

事機之會談笑折尊俎之衝不恃全美方致養以為功  
果我枵腹以正以中虎耽其視而始而終見寒思煦恐  
邊衣之未備寸膚失養念一士之或瘡扁吾軒而匪外  
飾起居飲食在日用常行之中吾將養已以及物致事  
業於無窮是知大易迺萬世之龜鑑尚何俟授一編於  
圯上之翁也

愛菊堂銘

草木之品色中氣清有隱逸之稱唯菊為能含精益齡

晚而芳聲又類夫君子退讓而不爭圮橋老仙友而堂名雖墮履之弗進亦足以卜幽人之永貞華構傳芳三世相仍其孺慕也孝凝然心深而愛中樂不勝口欲言而不能自鳴者此郭氏之所以尋盟也若夫平泉草木固護封植亦克厥承是或一道終未極愛之之至情親存親沒觀志視行曰如其道終身是程嗚呼郭君至性愉色豈得於尹氏者拳拳而服膺吾今取為銘以告草堂之靈安知不入戶聞愾然之聲也耶

欽定四庫全書

秋桐集  
卷六十六

虹霓硯銘 并序

趙太博彥伯出示紫石大方硯請銘余以石有奇雲類虹霓然因以字之銘曰

蒼梧雲蒸九疑溼碧海風濤翻出日江山通秀鬱紫煙產此珍材比玉德金繩繞腹泄精英電激神光掣蛟室雌霓斷影飲丹池暮雨連蜺一千尺號泥鄴瓦稱善墨石中乃有此奇質子墨客卿尤所惜大率縱橫供夢筆左招協律揖孫通出入英莖五音飭

楊氏雕玉寶章銘 并序

故參政楊公之子勗家藏漢雕玉印章二方者丞相吉圓者太尉震也其博陽章即乃祖息軒所傳故物大定十二年崔憲可詩序云長安許惟寧以是傳秘自朱家船入手摩挲三嘆息趙君文彩珊瑚鈎禮樂監畫于闐花驄圖得之嗚呼二公以通明正直師表兩漢今去千餘載其風烈凜然思其人而不得覩物增慨乃為作銘士桓博雅好古今為集賢直學士庶幾能紹其家風者

欽定四庫全書

秋桐集  
卷六十六

漢丞相博陽侯丙吉印銘

吁寶章纔寸許紐玄龜綰漢組隸為刻見邀祖神物護照千古此何夕得摩汝恍坐我丞相府初望氣郡邸圖詔夜殲拒戶樞是雖天公可無偃抑興將舊圖乳祿恩其可孤獄有憤秘不舒是章緘金縢如歸有數子與俱什襲藏无太踰防有光夜衡閭六丁取婉貞符在博陽宜特書

漢太尉司徒楊震印銘

伊弘農漢巨儒道自任聖為徒主鱣堂閱羣書表氏諱  
茲為符位台鼎綰國樞赫漢炎走羣羆堂氣忠義軀  
四知金屬貪夫殆是章玉不渝內寵橫哲人殂與雀環  
瘞幽墟見白日歸子裕世失系紛莫區伊莘楊豈公莘  
苟不爾胡為乎致大鳥止丘隅淚如雨洗冤誣佩之行  
可舍諸我作銘此嘻噓

張指揮甘白堂銘

我識先帥于清之野緩帶輕裘投壺歌雅伊時張君侍

欽定四庫全書

秋淵集  
卷六十六

七

立親傍虎豹在穴已炳其章及將羽林肯構其堂榜以  
甘白于先有光試嘗聽其言論諒天姿之殊常是將調  
和衆味羹傳鼎之美邪彰施五彩締上公之裳邪噫吾  
說已竟必一居於此恐德業之未易量也

忍濟齋銘

改作為楊子英題

多變而莫測者事機淺深殊跡而難度者人心善惡我  
據事會忤激交作彼以機成客氣外鑠或當懲而乃忘  
可理遣而反愕隘不自容事安能若因小端而致大亂

又奚翅九州之鐵而鑄一錯也理貴含弘量崇濩落功  
若與即是心先忤言不可出我舌為辭故堅伺拒門者  
收康濟之功俛出膝下者辨戡定之畧宜成王之戒君  
陳見周書之靈靈

海印奎星研銘

宋祕監弘道索賦詩被東宮旨編節世宗寶錄

奎麗空文之宗秀孕石與歛逢確而研以類從海有瀾  
穹浮蓋印天光終古在拱前星間有待靈玄雲集毫彩

欽定四庫全書

秋淵集  
卷六十六

十二

酌前言作帝誠

歛石壁研銘

并序

至元癸未歲正月二日謁左山先生坐間出茲硯示  
客僕以形質異常略狀數語公喜甚曰汝言殊有契  
予心者吾子其為我銘之銘曰

玉德而金聲穀紋而紂理湛兮虛見明生於旁魄恍兮  
惚疑壁投於山鬼玄雲橫馭風生燕几顯諸用起經綸  
於心上發餘輝綰秋蛇於筆底是則公事業之美也我

將靜濯碧空洞徹表裏觀春雨之散絲似商霖之復起也

醉仙石銘

為韓通甫作

爬沙蒼綠跼蹐鼈跛化而醉仙蓬首不裹傾歌落魄對客程裸惟不適用得脫秦火黠桂樹之秋香晉故宮之青鎖推墮人間無可不可頑碧凝蒼肩袖垂鞞留賓筵而盡餘歡每蹲蹲而舞我也

殷乳鼎銘

并序

欽定四庫全書

秋淵集卷六十六

韓生弘以瓦鼎示予制極古而可愛余曰此從何而得曰得之於帝辛之故墟然不知其為何制也余曰此殷之乳鼎也即為之銘曰

惟殷墟廢已久代所居止野叟歿而葬此何有其為物故商埴千年後見白日乳至四宜蟄蟄萬有生皆此出取為形穀瑒壁嬈龍觚飲而食秋澗銘渾沌鑿韓生藏深夜壑後來者見必作

贊

老人星贊

月帔雲衣金支翠旂御星駢而凌沆瀣騰淵耀而表明時爛祥光於萬丈湛南海之清輝我見我出為瑞為禧厯朱方而朝北極祝皇壽之無期何南山之鞏固等旻天而峻齊然後廊壽域兮無際挈斯民而溥躋倚蓋霏霏蒼茫曷歸貝闕珠宮羣仙與嬉歌東皇而遠引隨升降而入氣機但天容海色渺不可以涯涘兮眩朝日之重暉

欽定四庫全書

秋淵集卷六十六

先君思淵子畫像贊

德之厚其所受也全學之博其所守也專游刃恢恢利周物先占氣斗間世之龍泉卒之臨大事以益辦曾何以惠文而為賢望之儼然即之溫然治之隆污持衡以權一言吏師世真可痊孰謂神而化之之妙託丹青而可傳耶

王內翰寫真贊

總管蕭君出示承旨內翰寫真木庵師題贊其上似

有所未盡者因為之贊云

充氣之粹兮與材無忤靈襟之廓兮以道為腴延譽在  
龍門之上視草冠玉堂之廬其及物則見百里之寄其  
託輔則可六尺之孤天步改玉婆娑兩都悵蒼蒼之秋  
色鬱喬松而未枯尚能賓扶桑之出日振人文於燼餘  
見之丹青清風穆如人徒知百年之遺老我以謂中朝  
之鉅儒彼睟然而容盎然而春見於眉睫之間者固非  
山澤之臞也耶

欽定四庫全書

朱制集  
卷六十六

鮮于純叔寫真贊

遙遙華胄世藹令聞沈水之集其源濟淪老成雖遠而  
典刑今見于斯人髯疎而秀心吉而仁藤白而冠紗烏  
其中豈見夫身外之身予但知仁者之必壽其風姿落  
落百歲猶畫中之真也

麟匹贊

踰羸匹脹豕腹背負厥角挺奇骨列泰階職盟滌今歸  
于我研與匹薊門市南冬日得滄溟之波浩無極挹彼

注茲泚我筆茲耕誅絕旌直德子孫寶傳金玉式

桑泉老人畫像贊

德與學專行為世傳是之謂有年雙瞳炯然蒼髯戟然  
人目曰山澤之仙庸鉅知抱長孺之直甘骭髀於門邊  
者耶

范文正公畫像贊

堂堂范公三代之佐致君澤民盡夫在我曰義與仁經  
綸之具篤信力行曾不易慮受知裕陵千載一遇其施  
幾何貞我百度狷狷羣言激公而去天下之事匪材莫  
為遭時富材中靳固之治止斯耶由數奇耶再拜公像  
涕洟咨嗟

乖崖公真贊

堂堂益州元精之傑用智馭權以氣達節在德克剛得  
吏之訣其掾時也若乖崖而極經綸其擢茲也不鉤距  
而洞窟穴噫太華之雲清淮之月豈無閒心大厦火熱  
較以出處此蕪善而彼獨潔宜公平生日新事業皂裘

欽定四庫全書

朱制集  
卷六十六

褐衣有將之威我拜公像清風凜而悠悠九原愛莫起之

呂仙翁真贊金道陵祕府物今為王簽省家藏  
元精貫中老不息先生煉形與之一氣機出入我所乘  
世間甲子管不得有時變現稱劍客三江五湖風袖碧  
江雲紅爛岳陽樓醉飛星馭鞭金蚪騎驢欵上長安道  
來看西風渭水秋古人事業垂不朽八表神游欲誰友  
乾坤況復一洪爐萬古消沉竟何有先生遺照滿人間  
欽定四庫全書 秋淵集 卷六十六  
已是真詮不死傳只須袖裏青蛇氣夜夜人驚在斗邊

駁華駝圖贊 并序

馬之有駁猶人表之異常也昔骨利幹貢馬百匹中  
有駁者太宗愛之親為製名曰決波駝又秦胡公有  
乘馬號忽雷駁此馬毛質特異豈骨利之遺種歟故  
供奉官圖形以獻見方物一嘗之盛云

吁神駝骨相殊振蒼雲散華軀供帝閑馭虬鬚厯八極  
塊清都非所覲三品芻有物制噤不舒絡青絲伍髯奴

終奮鬣躍天衢君無癡茲畫圖

填星神像贊

坤元之精積而上曜厚載之德至靜而妙爛然黃明有  
歲之兆僧繇像之其神杳杳冠著牛首類其順也手綰  
方袂取乎填也非夫知鬼神之情狀者何以測其奧隱  
也

二十四大儒贊 并序

堯舜之道得孔子而後明六經之旨俟諸子而後發

欽定四庫全書

秋淵集 卷六十六

逮秦火燔蕩先王之迹一向熄滅而天理之在人心  
者何嘗有一息之間斷哉漢興諸儒挺出如董生劉  
向孔安國毛萇楊雄號稱鴻碩斯皆摘奎之光發輝  
孔壁探聖之幾取訂口傳致興學立官文風彬彬可  
謂盛矣然六經之旨有師授而無傳著東漢已來師  
說並行馬鄭賈何服虔王肅之流網羅衆說正誤刊  
繁流藻箋注復使聖道粲然如大明當空蔑不耿昭  
以之斷國論建民極有不可斯須離者至唐踵七代

之哀理雜文弊道統益微及韓愈氏出以道濟自任

隄障未流廓清義路蓋皇皇如也故大儒位置終之

以昌黎伯者良以此歟若夫關三才彌綸元化

前世比關圖像列配神庭關為不刊之關

至元癸未冬十月齊府廟宮兩廡繪事告成關

明靈儼然如在爰作贊文昭揭於上庶幾乾端坤

倪軒豁呈露聳齊人之敬為邦家之光也

左丘明

欽定四庫全書

秋淵集  
卷六十六

麟經垂憲百王是懲素臣筆傳日星益明文開史統世

咀華英儷景同翻永播休聲

穀梁赤封襲  
丘伯

聖道羣用見有深淺赤也明經辭清義婉漢儒推數大

開學館繼我國政論孟光顯

公羊高封臨  
淄伯

麟出魯郊筆終史削公一再傳若聆徇鐸宜其資深裁

辯辭諤折衷羣疑匪斯孰託

荀卿封蘭  
陵伯

金聲絕響詭辯縱橫蘭陵著書吐辭為經憤彼譎變欺

世迷民性惡之說有激而云

伏勝封乘  
氏伯

秦火驪坑儒厄斯極天不沒公俾副孔壁渾灝之義垂

範後王賴公口授帝道復光照耀齊國文奎煌煌

毛萇封樂  
壽伯

風雅三百一歸無邪絃歌音眇孰為傳耶溫溫樂壽漢

欽定四庫全書

秋淵集  
卷六十六

初名家訓傳首出遂正而葩敦厚之風永煥幽遐

高堂生封萊  
蕪伯漢博士

秦尚法制禮喪無幾雖雖堂生富炎之始議定官儀國

容有顧會并澤宮赤舄几几

孔安國封曲  
阜伯

書出漢初壁傳口授古隸未分詎免訛漏天開聖孫以

傳以定帝制復明翼我國政

戴勝封楚  
丘伯

曲臺傳經有千其儀戴君發揮其詳可知履之則貴悖  
馬來遺煌煌天序相我民彛

劉向 封彭城伯

彬彬中壘帝胄惟英授經草諫力扶漢傾已志伊鬱聖  
學崇明驚冕玄端山立神庭

楊雄 封成都伯

有漢鴻儒述作之賢體易之妙衍夫太玄映聖之心繼  
成法言大醇小疵其然豈然惟寂惟寞天祿之閣出處

欽定四庫全書

秋測集  
卷六十六

兩間其何以忤

何休 封任城伯

高也傳經心深而文秦漢而下莫闕其門任城解詁堅  
守如墨開戶免脫破碎陣敵駭我漢事會歸其極

鄭衆 封中牟伯

喧啾梁門師也威鳳志棲阿閣學明三統皇皇使華漢  
鼎取重諒夫通材中藏大用

馬融 封扶風伯

扶風氣豪博精羣集賢如鄭賈執經在席暢我休風彬  
彬文質尚想絃歌漢南之國

盧植 封良鄉伯

海山沉雄精貫斗極篤生大儒文武之特以道事君以  
經翼國劔佩赫然氣掩羣慝

鄭玄 封高密容伯

秦燭六經天理曾熄漢興諸儒臆說雜出司均網羅刊  
繁正誤箋注皇皇流藻終古

欽定四庫全書

秋測集  
卷六十六

服虔 封榮陽伯

卓越九江清介不羣雅材文論為世所珍任城巨敵左  
氏忠臣光造漢彥蔚乎其聞

賈逵 封岐陽伯

偉哉侍中好問而博通明四經大肆厥作網維國論張  
皇帝學東觀石渠光寵於爍

杜子春 封緱氏伯

周官大典興王之迹制古辭約我解我釋入海穿深薄